


www.BibleForChildren.org


MATTHEW 26



Naa aso e ono
koi takkoto mai ki
tae ki te aso te
Kaikai te Pasova raa,
Jesus ni hano ki Bethany,
te kina Lazarus, ttama ni
hakaoratia a Ia, e noho.
Teena ki too ake Mary
tana kaakaa e taavi
mmaha ka manoni kkona raa no
aamosi naa tapuvae Jesus. Ki oti
raa, hakapakupaku iloo ki ana lauru.
Te sauna te kaakaa naa ni haimahi iloo
vaaroto te hare naa.



Teena Judas Iscariot, se tama tokotasi i te taka sinahuru maa ttakarua disaipol Jesus, ni hano no mee ake ki naa maatua hakamaatua raa i aa ia ma ki kauake Jesus ki laitou.



Naa tama naa ni fiafia iloo i te llono ana laatou i ana taratara naa, teenaa tuku iloo te taratara naa tama naa maa laatou ma ki tauia laatou Judas. Teenaa kaamata iloo Judas te tokatoka se ara ki taakina atu Jesus ki naa tama naa.




Naa disaipol raa ni oo no mee pee ko Jesus ni vanaake, araa mee mai hakaoti iloo te kaikai te Pasova. Te saaita laatou ni kkai raa, Jesus ni too te haraoa raa no taku ki TeAtua. Teenaa ttohi iloo te haraoa raa no kauatu ki ana disaipol, no taratara ake peelaa, “Too te haraoa nei no kkai. Teenei ko taku haitino.”



A la ki too hoki te kap raa no taku
ki TeAtua, araa kauake hoki ki naa
tama naa no mee ake: “Teenei ko
taku ttoo teelaa e pesi ki uiia naa
haisara te lopo tama. Te purepure
hoou TeAtua e mee maa te ssao nei
e hakattino ki taku ttoo nei.”



“Simon. Hakannoo mai! Satan ku oti te mee ake ki TeAtua ki tiiake ia ki haaiteria kootou, e mee pee ko naa hiri te tama raa naa hua naa wit i naa penu laatou. Tevana iaa nau ku oti te taku ki TeAtua ki saapai atu kiaa koe, ki see huri sara too manava iaa nau. Aa too saaita e ahe no huri mai too manava kiaa nau raa, koe ku tokonaki ake ki oo taaina.”



Peter ki mee ake, “TeAriki, nau e lavaa te hano no karapusi ma koe aa nau e lavaa te mate ma koe!”
Jesus ki mee ake, “Peter, nau e vanaatu kiaa koe, te saaita te moa te tahaata seki tani raa, koe ma ki mee oo saaita iloo e toru maa koe see iloa iaa nau.”



Teenaa masike iloo Jesus no hano ma ana disaipol raa ki te kina e ttapa ma ko Gethsemane, araa mee ake iloo Jesus ki laatou, “Kootou nnoho ake i te kina nei ki hano nau no taku mai i te kina raa.” A la ni taku peenei, “Abba! Taku tamana! Naa mee hakkaatoa e hainauhie i aa koe. Fanaa naa mmaha nei i aa nau. Tevana iaa koe see tuku mai ki taku hiihai, nau e tuku atu koi ki too hiihai.”



Teenaa ki hanatu Judas ma naa soldia i Rome raa ma naa roorosi te Hare Tapu ki tauhia laatou Jesus. Naa tama naa e heunatia ake naa Faarisi raa ma naa maatua hakamaatua. Laatou ni oo atu ma naa hana laatou ka ppiki hoki naa ahi.

Te disaipol tokotasi ni huri atu no tuutia iloo te kautarina hakamaatau te poe te Maatua Hakamau raa no motu.

Teenaa ki mee ake Jesus, “Ku lava peenaa!” Jesus ki kkapa atu ki te kautarina te tanata naa no haia iloo no taukareka.



Jesus ni tauhia laatou no taakina iloo ki te hare te Maatua Hakamau; Peter ni hanake vaamuri, tevana iaa a ia ni see hakataupiri ake ki Jesus. Teelaa se ahi raa e kkaa i te mataahare te hare naa, aa naa tama raa e nnoho aareha ki see makallii laatou. Teenaa Peter ni hanatu no noho iloo ma naa tama naa.



Teelaa se poe tokotasi i
naa poe te Maatua
Hakamau i te kina naa.
A ia naa se hareaaakina
te poe ni tuutia tana
kautarina Peter. A ia ni
huri ake ki Peter no mee ake,
“Teenei seai ko koe raa ni
kiitea a nau iloto te verena?”
Teenaa ki mee ake hoki Peter,
“Seai.” Saaita naa koi raa te moa
raa ku tani. Teenaa sare tani iloo
Peter ka hano ki haho.




Naa tama hakamaatua naa ni massike no taakina iloo laatou Jesus ki Pilate. Pilate ki vasiri ake ki Jesus, “Koe naa ko te tuku naa Jew?” Jesus ki hakaaha ake, “Teena koe e mee mai naa.” Pilate ni hiihai ma ki tiiake ia Jesus ki hano, teena taratara ake hakaraaoi hoki a ia ki naa tama naa. Tevana iaa naa

tama naa ni ffuri atu no tanitani varo peelaa, “Tuukia ttama naa!

Tuukia ttama naa ki te kros!”




Teena ki masike atu Pilate no hookii
ake Jesus ki laatonu ki tuukia ki te kros.
Teena ki hakattaki naa tama naa
Jesus ki haho. A la ni amo tana kros
naa no tae ki te kina e ttapa ma ko “Te
kina te Ivi te Pisouru.” (Naa Jew raa e
ttapa te kina naa ma ko Golgota.)



Teena ki tuukia laatou Jesus ki te kros
i te kina naa. Takarua karapusi hoki ni
tuukia laatou i naa vasi Jesus.



Te saaita te laa ni tae ki te ssao te kkai raa, te henua ni
pouri no tae iloo ki te ttoru i te laasuru, teenaa i te laa
raa ni see tii. Aa te maro e tautau ka ppui te uta iloto te
Hare Tapu raa ni saaea ki naa vasi
e lua. Jesus ki tanitani varo,
“Tamana, nau e tiiake atu
taku ora ki moe i oo rima!”
I tana saaita koi ni oti ana
taratara nei raa, pesi
hakaoti iloo tana
maanava no mate.



I te laasuru raa Joseph, te tama i
Arimatia raa, ku tae ake. Joseph
se tama hakamaatua iloo
iloto te Kansol, aa a ia naa
e noho peenaa ka ttari
ki tae mai te
Nohorana TeAtua.
Teenei ko te aso
naa Jew maraa e

penapena hakaoti
naa kaikai te Sabat, i te
aa, te ssoa te aso raa
teenaa ko te Sabat.
Teenaa Joseph ni hano
see ppore no tuu imua
Pilate no kainnoo ake ki
kauake te haitino
Jesus.



Teenaa hano iloo Joseph no taavi te maro e makkini, araa tukua iho iloo ia te haitino Jesus ki laro no miinia ki te maro naa. Ki oti raa saaua iloo ia no hakamoeria ki loto te taaruma e hakahotu i te vasi te mouna hatu.

Araa hakatipe ake iloo te hui te hatu raa no ppui i te mata te taaruma naa.



I te ssoa te aso raa, teenaa ko te
Sabat. Teenaa naa
maatua hakamaatua
ma naa Faarisi raa ni
oo no mmata i Pilate
no mee ake, . . .



... “Te hakamau nei, maatou e illoa
maa i te saaita te tama e taratara
kailaarao nei koi ora raa,
a ia ni pesi tana taratara
peelaa, ‘Nau ma ki
hakamasikeria i te
mate imuri naa
aso e toru.’”



Teena o iloo naa tama naa
no hakammau hakaraaoi
iloo te kava raa ka tuku
laatou hakailona, araa
hakanoho iloo laatou
naa wasi i te kava
raa ki noho
ka roorosi.



I te saaita te aso te Sabat ni laka raa,
Mary Magdalene laaua ma telaa
ffine e ttapa hoki ma ko Mary
raa ni oo no asi ki te kava.

Te mahuke e lasi raa ni
hakateki no rue i te
saaita naa lokoi;
teenaa te ensol
TeAtua raa ni au i

te lani no hakatipe
iloo te hatu e ppui i
te mata te kava raa
hakavasi no noho
ia i aruna.



Naa soldia e roorosi i te kava naa
ni ppore i naa mattaku laatou,
teenaa naa tama naa ni
mmoe pee ko naa tama
ku mmate.



Te ensol raa ki mee ake ki naa
haahine: “Koorua see mattaku.
Nau e iloa i koorua e ssee i
Jesus, te tama ni tuukia ki
te kros. Ttama naa ku
see moe i te kina nei;
ttama naa ku oti te
hakamasikeria i te
mate, e mee pee
ko la ni


taratara. Koorua uru
mai no mmata i
tana kina ni moe.”




Te takarua naa ni mee ma e mattaku,
tevana iaa laaua ni fiaffia iloo i te vana
laaua ni kkite naa. Teenaa massike
iloo te takarua haahine naa i te
kava no ffuro ki oo no taratara
ake ki ana disaipol.



Ttakarua naa ni hakatekia i Jesus ku
tuu ake imua laaua; Jesus ki mee
ake, “Te aso taukareka.” Ttakarua
naa ni oo atu kiaa la no taaohi
iloo ki ana vae no lotu kiaa la.





Kimuri raa Jesus ni hakasura ki tana taka sinahuru maa te tama tokotasi i ana disaipol, i te saaita naa tama naa e nnoho ka kkai. A la ni huri atu no nutua naa tama naa i laatou ni see hakataakoto tonu kiaa la aa i laatou ni see hii hakannoo iloo ki naa tama ni kkite maa la ku ora. Saaita TeAriki Jesus ni oti te taratara ma naa tama naa raa, a la ni toa ki te Lani no noho i te vasi hakamaatau TeAtua.



TeAtua e aroha i naa tama hakkaatoa i te
maarama nei, teenaa ki heuna mai tana
Tama raa ki te maarama nei. Ki mee se
tama peehea e illoa maa la ko te Tama
TeAtua raa, ttama naa ma ki see
lavaa te mate. A ia ma ki too te
ora e takoto see
lavaa te
oti.



ROME 3:23

Taatou hakkaatoa ni tama haisara, teenei e mmao ai taatou i te laaoi TeAtua.

ROME 6:23

Naa tama e ppena naa haisara raa ma ki mmate hakkaatoa. Te mee e taukareka TeAtua e hookii vare raa iaa, teenaa ko te ora maaoni i Jesus Christ, TeAriki taatou.

HEBREWS 9:27

Naa tama hakkaatoa e takkoto naa aso laatou ma ki oti ku mmate, teenaa ko te saaita koi tokotasi laatou ma ki mmate. Aa ki muri raa TeAtua ku hakatonutonu laatou.



EPHESIANS 2:8,9

Teena ko te laaoi TeAtua teelaa ni ssao ai kootou, i kootou e lotu. Kootou ni see hakassaoria maa i naa vana taukalleka kootou e mee, seai. Teena se taukareka TeAtua e hookii vare ki kootou, aa kootou ki see lavaa te ahu i te mee naa.

ROME 10:9,10

Ttiputipu te lotu maaoni raa e takoto peenei: Ki mee koe e taratara maa Christ ko TeAriki, ka iloa hoki maa Christ ni hakamasikeria TeAtua i te mate, koe ma ki oti ku hakasaoria TeAtua. I te aa, naa ora taatou e ttonu imua TeAtua i taatou e illoa maaoni iaa la, aa taatou ma ki hakassaoria TeAtua i taatou e taratara maa Christ ko taatou Ariki.



JOHN 3:16,17

TeAtua e aroha i naa tama hakkaatoa i te maarama nei, teenaa ki heuna mai tana Tama raa ki te maarama nei. Ki mee se tama peehea e illoa maa la ko te Tama TeAtua raa, ttama naa ma ki see lavaa te mate. A ia ma ki too te ora e takoto see lavaa te oti. TeAtua ni see heuna mai tana Tama naa ma ki au no hakatonutonu te henua. Seai. Tana tama naa ni kkave mai ki au no hakaora naa tama te maarama nei.

1 JOHN 5:11-13

Naa taratara TeAtua raa e mee peenei: Te ora e ora hakaoti raa ku oti te kaumai TeAtua ki taatou, aa te ora nei e hakatahito i tana Tama. Te tama e iloa maaoni i te Tama TeAtua raa e taka ma te ora nei; te tama see iloa i te Tama TeAtua raa iaa see taka ma te ora maaoni. Nau e sissii atu naa taratara nei ki illoa kootou maa kootou e ttaka ma te ora e ora hakaoti, teenaa ko kootou naa tama e illoa i te Tama TeAtua.



MATTHEW 26-28; LUKE 22-24; JOHN 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Takuu NT (nho) Copyright 2009 Translation Committee of
Taku, Mortlock Community CC-BY-ND

<https://live.bible.is/bible/NHOTCT/MAT/1>

©2026 Bible for Children, Inc.

www.M1914.org

www.bibleforchildren.org

